

雜阿含經

第七

二百七十一
之七

89467



雜阿含經卷第七

宋天竺三藏求那跋陀羅譯

之

如是我聞一時佛住舍衛國祇樹給孤獨園
 尔時世尊告諸比丘何所有故何所起何所
 繫何所著何所見我若未起憂悲苦惱今起
 已起憂悲苦重今增廣諸比丘白佛言世
 尊是法根法眼法依惟願廣說諸比丘
 當受奉行



佛告諸比丘色有故色起色繫著故於色見
 我未起憂悲苦惱今起已起憂悲苦惱重今
 增廣受想行識亦復如是諸比丘於意云何
 色為常耶為非常耶答曰無常世尊復問苦

無常者是苦耶答曰是苦世尊如是比丘若
無常者是苦是苦有故是事起繫著見我若
未起憂悲苦惱今起已起憂悲苦惱重今增
廣受想行識亦復如是是故諸比丘諸所有
色若過去若未來若現在若內若外若麤若
細若好若醜若遠若近彼一切非我非異我
不相在是名正慧受想行識亦復如是若復
見聞覺識起求憶隨覺隨觀彼一切非我非
異我不相在是名正慧若見有我世間有
此世有他世常恒不變易彼一切非我非異
我不相在是名正慧若復見有非此世我非
此世我所非當來我非當來我所彼一切非

我不異我不相在是名正慧若多聞聖弟子
於此六見處觀察非我非我所如是觀者於
佛狐疑斷於法僧狐疑斷是名比丘多聞聖
弟子不復堪任作身口意業趣三惡道正使
放逸聖弟子決定向三菩提七有天人往來
作苦邊佛說此經已諸比丘聞佛所說歡喜

奉行

次經亦如是差別者苦集滅道狐疑斷

次經亦如是差別者佛法僧苦集滅道狐疑斷

如是我聞一時佛在舍衛國祇樹給孤獨園

今時世尊告諸比丘何所有故何所起何所

繫著何所見我未起我我所我慢繫著使起

已起我我所我慢繫著使重今增廣諸比丘
白佛世尊是法根法眼法依如是廣說乃至
佛說此經已諸比丘聞佛說歡喜奉行

第二第三經亦復如上

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我若未起有漏障礙燒然憂悲
惱苦生已起有漏障礙燒然憂悲惱苦重令
增廣諸比丘白佛世尊是法根法眼法依如

是廣說次第如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所

繫者何所見我若三受於世間轉諸比丘白
佛言世尊是法根法眼法依如是廣說次第
如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫者何所見我今三苦世間轉諸比丘白佛
世尊是法根法眼法依如是廣說次第如上
三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫者何所見我今世八法世間轉諸比丘白
佛言世尊是法根法眼法依如是廣說次第

如上三經

如是我聞一時佛住舍衛國祇樹給孤獨園
爾時世尊告諸比丘何所有故何所起何所
繫著何所見我今諸衆生作如是見如是說
我勝我等我卑諸比丘白佛言世尊是法根
法眼法依如是廣說次第如上三經

如是我聞一時佛住舍衛國祇樹給孤獨園
爾時世尊告諸比丘何所有故何所起何所
繫著何所見我今諸衆生作如是見如是說
有勝我者有等我者有卑我者諸比丘白佛
言世尊是法根法眼法依如是廣說次第如
上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我今諸衆生作如是見如是說
無勝我者無等我者無卑我者諸比丘白佛
世尊是法根法眼法依如是廣說次第如上
三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我今諸衆生作如是見如是說
有我有此世有他世常恒不變易法如尔安
任諸比丘白佛世尊是法根法眼法依如是
廣說次第如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我今諸衆生作如是見如是說
如是我彼一切不二不異不減諸比丘白佛
世尊是法根法眼法依如是廣說次第如上
三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我今諸衆生作如是見如是說
無施無會無說無善趣惡趣業報無此世他
世無母無父無衆生無世間阿羅漢正到
正趣若此世他世見法自知身作證具足住

我生已盡梵行已立所作已作自知不受後
有諸比丘白佛世尊是法根法眼法依如是
廣說次第如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我今諸衆生作如是見如是統
無力無精進無力精進無士夫方便無士夫
精勤無士夫方便精勤無自作無他作無自
他作一切人一切衆生一切神無方便無力
無勢無精進無堪能定分相續轉變受苦樂
六趣諸比丘白佛言世尊是法根法眼法依
如是廣說次第如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我令諸衆生作如是見如是說
諸衆生此世活死後斷壞無所有四大和合
士夫身命終時地歸地水歸水火歸火風歸
風根隨空轉輿床弟子四人持死人往塚間
乃至未燒可知燒然已骨白鵠色立高慢者
知施黠慧者知受若說有者彼一切虛誑妄
說若愚若智死後他世俱斷壞無所有諸比
丘白佛世尊是法根法眼法依如是廣說次
第如上三經

如是我聞一時佛住舍衛國祇樹給孤獨園

尔時世尊告諸比丘何所有故何所起何所
繫著何所見我令諸衆生作如是見如是說
衆生煩惱無因無緣諸比丘白佛世尊是法
根法眼法依如是廣說次第如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所

繫著何所見我令諸衆生作如是見如是說
衆生清淨無因無緣諸比丘白佛世尊是法
根法眼法依如是廣說次第如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我令諸衆生作如是見如是說

衆生無知無見無因無緣時諸比丘白佛世
尊是法根法眼法依如是廣說次第如上三經
如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我令諸衆生作如是見如是說
時諸比丘白佛言世尊是法根法眼法依如
是廣說次第如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我令諸衆生作如是見如是說
謂七身非作非作所作非化非化所化不殺
不動堅實何等爲七所謂地身水身火身風

身樂苦命此七種身非作非作非化非
化所化不殺不動堅實不轉不變不相逼迫
若福若惡若福惡若苦若樂若苦樂若士梟
士首亦不逼迫世間若命若身七身間間容
刃往反亦不害命於彼無殺無殺者無繫無
繫者無念無念者無教無教者諸比丘白佛

世尊是法根法眼法依如是廣說次第如上
三經

如是我聞一時佛住舍衛國祇樹給孤獨園
介時世尊告諸比丘何所有故何所起何所
繫者何所見我令諸衆生作如是見如是說
作教作斷教斷者殺教殺者殺教殺害衆生盜他

財行邪姪知言妄語飲酒穿墻斷鎖偷奪復
道害村害城害人民以極利劔輪割割斫截
作大肉聚作如是學彼非惡因緣亦非招惡
於恒水南殺害而去恒水北作大會而來彼
非因緣福惡亦非招福惡惠施調伏護持行
利同利於此所作亦非作福諸比丘白佛世
尊是法根法眼法依如是廣說次第如上三經
如是我聞一時佛住舍衛國祇樹給孤獨園
今時世尊告諸比丘何所有故何所起何所
繫著何所見我今諸衆生作如是見如是說
於此十四百千生門六十千六百五業三業
二業一業半業六十二道跡六十二內劫百

二十泥犁百三十根三十六貪界四十九千
龍家四十九千金翅鳥家四十九千邪命外
道四十九千外道出家七想劫七無想劫七阿
修羅七毗舍遮七天七人七百人七夢七百
夢七險七百險七覺七百覺六生十增進八
大士地於此八万四千大劫若愚苦智往來
經歷究竟苦邊彼無有沙門婆羅門作如是
說我常持戒受諸苦行修諸梵行不熟業者
令熟已熟業者棄捨進退不可知此苦樂常
住生死定量譬如縷丸掉著空中漸漸來下
至地自任如是八万四千大劫生死定量亦
復如是諸比丘白佛世尊是法根法眼法依

如是廣說次第如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我令衆生作如是見如是說風
不吹火不然水不流箭不射懷妊不產乳不
聲日月若出若沒若明若闇不可知諸比丘
白佛世尊是法根法眼法依如是廣說次第
如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我令諸衆生作如是見如是說
此大梵自在造作自然爲衆生父諸比丘白

佛言世尊是法根法眼法依如是廣說次第
如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我令諸衆生作如是見如是說
色是我餘則虛名無色是我餘則虛名色非
色是我餘則虛名非色非無色是我餘則虛
名我有邊餘則虛名我無邊餘則虛名我色
有邊無邊餘則虛名我非有邊非無邊餘則
虛名一想種種想多想無量想我一向樂一
向苦不苦不樂餘則虛名諸比丘白佛言世
尊是法根法眼法依廣說次第如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我今諸衆生作如是見如是說
色是我餘則妄想非色非非色是我餘則妄
想我有邊餘則妄想我無邊餘則妄想我非
有邊非無邊餘則妄想我一想種種想少想

無量想我一向樂一向苦苦樂不苦不樂諸
比丘白佛言世尊是法根法眼法依如是廣
說次第如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我今衆生作如是見如是說我

世間常世間無常世間常無常世間非常非
無常世有邊世無邊世有邊無邊世非有邊非
無邊命即是身命異身異如來死後有如來
死後無如來死後有無如來死後非有非無
諸比丘白佛世尊是法根法眼法依如是廣
說次第如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我令諸衆生作如是見如是說
世間我常世間我無常世間我常無常世間
我非常非無常我苦常我苦無常我苦常無
常我苦非常非無常世間我自作世間我他

作世間我自作他作世間我非自作非他作
非自非他無因作世間我苦自作世間我苦
他作世間我苦自他作世間我苦非自非他無
因作諸比丘白佛世尊是法根法眼法依如
是廣說次第如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我令諸衆生如是見如是說若
無五欲娛樂是則見法般涅槃若離欲惡不
善法有覺有觀離生喜樂入初禪乃至第四
禪是第一義般涅槃諸比丘白佛世尊是法
根法眼法依如是廣說次第如上三經

如是我聞一時佛住舍衛國祇樹給孤獨園
尔時世尊告諸比丘何所有故何所起何所
繫著何所見我令諸衆生作如是見如是說
若麤四大色斷壞無所有是名我正斷若復
我欲界斷壞死無所有是名我正斷若復我
色界死後斷壞無所有是名我正斷若得空
入處識入處無所有入處非想非非想入處
我死後斷壞無所有是名我正斷諸比丘白
佛世尊是法根法眼法依如是廣說次第如
上三經

如是我聞一時佛住舍衛國祇樹給孤獨園
尔時世尊告諸比丘若法無常者當斷斷彼

法已以義饒益長夜安樂何法無常色無常
受想行識無常佛說此經已諸比丘聞佛所
說歡喜奉行

如是我聞一時佛住舍衛國祇樹給孤獨園
尔時世尊告諸比丘若過去無常法當斷斷
彼法已以義饒益長夜安樂去何過去無常
法過去色是無常法過去欲是無常法彼法
當斷斷彼法已以義饒益長夜安樂受想行
識亦復如是佛說此經已諸比丘聞佛所說
歡喜奉行

如是未來現在過去現在未來現在過去未
來過去未來現在

如是我聞一時佛住舍衛國祇樹給孤獨園
介時世尊告諸比丘為斷無常法故當求大
師云何是無常法謂色是無常法為斷彼法
當求大師受想行識亦復如是佛說是經已
諸比丘聞佛所說歡喜奉行

如是過去未來現在過去未來過去現在未

新開合卷

來現在過去未來現在當求大師八種經如
是種種教隨順安廣安周普安導廣導究竟
導說廣說隨順說第二伴真知識同意愍悲
崇義崇安慰樂崇觸崇安隱欲精進方便廣
方便堪能方便堅固強健勇猛身心勇猛難
伏攝受常學不放逸修思惟念覺智明慧辯

思量梵行如意念處正勤根力覺道止觀念
身正憶念一一八經亦如上說如斷義如是
知義盡義吐義止義捨義亦如是

如是我聞一時佛住舍衛國祇樹給孤獨園
尔時世尊告諸比丘猶如有人火燒頭衣當
云何救比丘白佛言世尊當起增上欲慇懃
方便時救令滅佛告比丘頭衣燒然尚可暫
忘無常盛火應盡除斷滅為斷無常火故勤
求大師斷何等無常故勤求大師謂斷色無
常故勤求大師斷受想行識無常故勤求大
師佛說此經已諸比丘聞佛所說歡喜奉行
如斷無常如是過去無常未來無常現在無

常過去未來無常過去現在無常未來現在
無常過去未來現在無常如是八種救頭燃
譬經如上廣說如求大師如是求種種教隨
順教如上廣說如斷義如是知義盡義吐義
止義捨義滅義沒義亦復如是

如是我聞一時佛住舍衛國祇樹給孤獨園
余時世尊告諸比丘為斷無常故當隨順內身
身觀住何等法無常謂色無常為斷彼故當隨
順內身身觀住如是受想行識無常為斷彼
故當隨順內身身觀住佛說此經已諸比丘
聞佛所說歡喜奉行

如無常如是過去色無常未來色現在色過

去未來色過去現在色未來現在色過去未
來現在色無常斷彼故當隨順內身身觀住受
想行識亦復如是如隨順內身身觀住八種
如是外身身觀內外身身觀內受受觀外受
受觀內外受受觀內心心觀外心心觀內外
心心觀內法法觀外法法觀內外法法觀住
一一八經亦如上說如斷無常義修四念處
如是知義盡義吐義捨義滅義沒義故隨順
四念處亦如上說
如是我聞一時佛住舍衛國祇樹給孤獨園
尔時世尊告諸比丘猶如有人火燒頭衣當
云何救比丘白佛言世尊當起增上欲慙

方便時救令滅佛告比丘頭衣燒燃尚可暫
忘無常盛火應盡斷為斷無常火故隨修內
身身觀住云何為斷無常火故隨順內身身
觀住謂色無常為斷彼故隨修內身身觀住
受想行識無常為斷彼故隨修內身身觀住
廣說乃至佛說此經已諸比丘聞佛所說歡

喜奉行

如無常如是過去無常未來無常現在無常
過去未來無常過去現在無常未來現在無
常過去未來現在無常如內身身觀住八經
如是外身身觀八經內外身身觀八經如上
說如身念處二十四經如是受念處心念處

法念處二十四經如上說如當斷無常九十
六經如是當知當吐當盡當止當捨當滅當
沒一一九十六經亦如上說

如是我聞一時佛住舍衛國祇樹給孤獨園
不時世尊告諸比丘猶如有人火燒頭衣當
云何救比丘白佛言世尊當起增上欲慙勤

方便時救令滅佛告比丘頭衣燒燃尚可暫
忘無常盛火應盡斷為斷無常火故已生惡
不善法當斷起欲精勤攝心令增長斷何等
無常法故已生惡不善法為斷故起欲方便
攝心增進謂色無常故受想行識無常當斷
故已生惡不善法令斷起欲方便攝心增進

廣說乃至佛說此經已諸比丘聞佛所說歡
喜奉行

如無常經如是過去無常未來無常現在無
常過去未來無常過去現在無常未來現在
無常過去未來現在無常八經亦如上說

如已生惡不善法當斷故如是未生惡不善
法令不生未生善法令生已生善法令增廣故
起欲方便攝心增進八經亦如上說如當斷
無常三十二經如是當知當吐當盡當止當
捨當滅當沒一一三十二經廣說如上

如是我聞一時佛住舍衛國祇樹給孤獨園
尔時世尊告諸比丘猶如有人火燒頭衣當

云何救比丘白佛言世尊當起增上欲慙勤
方便時救令滅佛告比丘頭衣燒燃尚可暫
忘無常盛火當盡斷為斷無常火故當修欲
定斷斷行成就如意足當斷何等法無常謂當
斷色無常當斷受想行識無常故修欲定斷
斷行成就如意足如經廣說乃至佛說此經
已諸比丘聞佛所說歡喜奉行

如無常如是過去無常未來無常現在無常
過去未來無常過去現在無常未來現在無
常八經如上說

如修欲定如是精進定意定思惟定亦如是
如當斷三十二經如是當知當吐當盡當止

當捨當滅當沒一一三十二經亦如上說
如是我聞一時佛住舍衛國祇樹給孤獨園
尔時世尊告諸比丘猶如有人火燒頭衣當
云何救比丘白佛言世尊當起增上欲慙懃
方便時救令滅佛告比丘頭衣燒燃尚可暫
忘無常盛火當盡斷為斷無常火故當修信
根斷何等無常法謂當斷色無常當斷受想
行識無常故修信根如是廣說乃至佛說此
經已諸比丘聞佛所說歡喜奉行
如無常如是過去無常未來無常現在無常
過去未來無常過去現在無常未來現在無
常過去未來現在無常亦如上說

如信根八經如是修精進根念根定根慧根
八經亦如上說

如當斷四十經如是當知當吐當盡當止常
捨當滅當沒四十經亦如上說

如是我聞一時佛住舍衛國祇樹給孤獨園
尔時世尊告諸比丘猶如有人火燒頭衣當

云何救比丘白佛言世尊當起增上欲懇勤
方便時救令滅佛告比丘頭衣燒燃尚可暫
忘無常盛火當盡斷為斷無常火故當修信
力斷何等無常故當修信力謂斷色無常故
當修信力斷受想行識無常故當修信力斷
如是廣說乃至佛說此經已諸比丘聞佛所

說歡喜奉行

如無常如是過去無常未來無常現在無常
過去未來無常過去現在無常未來現在無
常過去未來現在無常八經如上說

如信力如是精進力念力定力慧力八經亦
如上說如當斷四十經如是當知當吐當盡

當止當捨當滅當沒一一四十經亦如上說
如是我聞一時佛住舍衛國祇樹給孤獨園
尔時世尊告諸比丘猶如有人火燒頭衣當
云何救比丘白佛言世尊當起增上欲慤勤
方便時救令滅佛告比丘頭衣燒燃尚可暫
忘無常盛火當盡斷爲斷無常火故修念覺

分斷何等法無常故修念覺分謂斷色無常
修念覺分當斷受想行識無常修念覺分如
是廣說乃至佛說此經已諸比丘聞佛所說
歡喜奉行

如無常如是過去無常未來無常現在無常
過去未來無常過去現在無常未來現在無
常過去未來現在無常八經如上說

如念覺分八經如是擇法覺分精進覺分念
覺分喜覺分除覺分捨覺分定覺分一一八
經亦如上說

如當斷五十六經如是當知當吐當盡當止
當捨當滅當沒一一五十六經如上說

如是我聞一時佛住舍衛國祇樹給孤獨園
尔時世尊告諸比丘猶如有人火燒頭衣當
云何救比丘白佛言世尊當起增上欲懇勤
方便時救令滅佛告比丘頭衣燒燃尚可暫
忘無常盛火當盡斷為斷無常火故常修正
見斷何等無常火故當修正見斷色無常故
當修正見斷受想行識無常故當修正見如
是廣說乃至佛說此經已諸比丘聞佛所說
歡喜奉行

如無常如是過去無常未來無常現在無常
過去未來無常過去現在無常未來現在無
常過去未來現在無常亦如上說

如正見八經如是正志正語正業正命正方便正念正定一一八經亦如上說

如當斷六十四經如是當知當吐當盡當止當捨當滅當沒一一六十四經亦如上說

如是我聞一時佛住舍衛國祇樹給孤獨園
尔時世尊告諸比丘猶如有人火燒頭衣當

云何救比丘白佛言世尊當起增上欲慙勤
方便時救令滅佛告比丘頭衣燒燃尚可暫
忘無常盛火當盡斷無餘為斷無常故當修
苦習盡道斷何等無常法故當修苦習盡道
謂斷色無常故當修苦習盡道斷受想行識
無常故當修苦習盡道如是廣說乃至佛說

此經已諸比丘聞佛所說歡喜奉行

如無常如是過去無常未來無常現在無常
過去未來無常過去現在無常未來現在無
常過去未來現在無常亦如上說

如苦習盡道八經如是苦盡道樂非盡道樂
盡道一一八經亦如上說

如當斷三十二經如是當知當吐當盡當止
當捨當滅當沒一一三十二經亦如上說

如是我聞一時佛住舍衛國祇樹給孤獨園
尔時世尊告諸比丘猶如有人火燒頭衣當
云何救比丘白佛言世尊當起增上欲懇勤
方便時救令滅佛告比丘頭衣燒燃尚可暫

志無常盛火當斷無餘為斷無常故當修無
貪法句斷何等法無常故當修無貪法句謂
當斷色無常故修無貪法句斷受想行識無
常故修無貪法句如是廣說乃至佛說此經
已諸比丘聞佛所說歡喜奉行

如無常如是過去無常未來無常現在無常

過去未來無常過去現在無常未來現在無
常過去未來現在無常亦如上說

如當修無貪法句八經如是無恚無癡諸句
正句法句一二八經如上說

如當斷二十四經如是當知當吐當盡當止
當捨當滅當沒一一二十四經亦如上說

如是我聞一時佛住舍衛國祇樹給孤獨園
尔時世尊告諸比丘猶如有人火燒頭衣當
云何救比丘白佛言世尊當起增上欲懇勤
方便時救令滅佛告比丘頭衣燒燃尚可暫
忘無常盛火當盡斷為斷無常故當修止斷
何等法無常故當修止謂斷色無常故當修
止斷受想行識無常故當修止如是廣說乃
至佛說此經已諸比丘聞佛所說歡喜奉行
如無常如是過去無常未來無常現在無常
過去未來無常過去現在無常未來現在無
常過去未來現在無常亦如上說
如修止八經如是修觀八經亦如上說

如當斷十六經如是當知當吐當盡當止當捨當滅當沒一一十六經亦如上說

諸所有色若過去若未來若現在若內若外若麤若細若好若醜若遠若近彼一切非我非異我不相在如實知受想行識亦如是多聞聖弟子如是正觀者於色生厭受想行識生厭已不樂不樂故解脫解脫知見我生已盡梵行已立所作已作自知不受後有佛說此經已諸比丘聞佛所說歡喜奉行

如無常如是動搖旋轉疋瘵破壞飄疾朽敗危頓不恒不安變易惱苦災患魔邪魔勢魔器如沫如泡如芭蕉如幻微劣貪嗜殺標刀

劍疾妬相殘損減衰耗繫縛搥打惡瘡癰疽
利刺煩惱謫罰陰蓋過患處愁感惡知識苦
空非我非我所怨家連鎖非義非安慰熱惱
無蔭無洲無覆無依無護生法老法病法死
法憂悲法惱苦法無力法羸劣法不可欲法
誘引法將養法有苦法有殺法有惱法有熱
法有相法有吹法有取法深險法難澀法不
正法兇暴法有貪法有恚法有癡法不住法燒
燃法罣礙法災法集法滅法骨聚法肉段法
執炬法火坑法如毒蛇如夢如假借如樹菓如
屠牛者如殺人者如觸露如淹水如駛流如
織縷如輪涉水如跳狀如毒瓶如毒身如毒

華如毒菓煩惱動如是比乃至斷過去未來
現在無常乃至滅沒當修止觀斷何等法過
去未來現在無常乃至滅沒修止觀謂斷色
過去未來現在無常乃至滅沒故修止觀受
想行識亦復如是是故諸所有色若過去若
未來若現在若內若外若麤若細若好若醜
若遠若近彼一切非我非異我不相在如實
知受想行識亦復如是多聞聖弟子如是觀
者於色生厭於受想行識生厭故不樂不
樂故自知不受後有佛說此經已諸比丘問
佛所說歡喜奉行
如是我聞一時佛住舍衛國祇樹給孤獨園

尔時世尊告諸比丘以成就一法故不復堪
任知色無常知受想行識無常何等為一法
成就謂貪欲一法不成就堪能知色無常知
受想行識無常何等一法成就謂無貪欲成
就無貪欲法者堪能知色無常堪能知受想
行識無常佛說此經已諸比丘聞佛所說

喜奉行

如成就不成就如是知不知親不親明不明
識不識察不察量不量覆不覆種不種掩不
掩映翳不映翳亦如是

如是知如是識解受求辨獨證亦復如是
如貪如是恚癡瞋恨些執嫉慳幻諂無慚無

愧慢慢慢慢增慢慢我慢慢增上慢慢邪慢慢卑慢慢憍慢慢
放逸矜高曲偽相規利誘利惡欲多欲常欲
不敬惡口惡知識不忍貪嗜下貪惡貪身見
邊見邪見見取戒取欲愛瞋恚睡眠掉悔疑
惛悴蹠躓障欬癩亂想不正憶身濁不直不
軟不異欲覺恚覺害覺親覺國土覺輕易覺
愛他家覺愁憂苦惱於此等一一法乃至映
翳不堪任滅色作證何等爲一法所謂惱苦
以惱苦映翳故不堪任於色滅盡作證不堪
任於受想行識滅盡作證一法不映翳故堪
任於色滅盡作證堪任於受想行識滅盡作
證何等一法謂惱苦此一法不映翳故堪任

於色滅盡作證堪任於受想行識滅盡作證
佛說此經已諸比丘聞佛所說歡喜奉行

雜阿含經卷第七

之

性空佛

藥王佛

寶施佛

黠關八

梟古堯

剝割上之

縷呂主

掉徒

反 妊而

擊穀古候

娛音愚

疋瘵上高

瘵側

譎反

飄反

泡音

嗜音

標必苗

癰疽下上

紆紆恭

反 譎反

罰上音

下音 伐

感倉曆

羸力垂

誘音

澀所立

淹一

規一

彌一

反 駛使史

跳音

映音

翳下上

敬反

矜居陵

規一

規一

規一

反 昏悴下

慈反

躡躑下上

綿反

障欬上音

虛器反

規一

規一

